

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i Programa utroška sredstava u razdjelu 22 - Ministarstva za obrazovanje, nauku, kulturu i sport, pozicija „Kapitalni transferi neprofitnim organizacijama” – izvor 10 Budžeta Zeničko-dobojskog kantona za 2026. godinu, broj: 02-11-1522/26 od 23.01.2026. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 124. sjednici, održanoj 10.04.2026. godine,
d o n o s i

O D L U K U

o odobravanju sredstava sa pozicije „Kapitalni transferi neprofitnim organizacijama“ – izvor 10 Budžeta Zeničko-dobojskog kantona za 2026. godinu

Član 1.

(Predmet)

Odobravaju se sredstva neprofitnim organizacijama sa područja Zeničko-dobojskog kantona u iznosu od 550.000,00 KM (slovima: petstotinapedesethiljadakonvertibilnihmaraka) u svrhu sufinansiranja projekata izgradnje, rekonstrukcije i sanacije vjerskih objekata i objekata koji imaju status nacionalnih spomenika na području Zeničko-dobojskog kantona.

Član 2.

(Analitika konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), sa razdjela 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615300 pozicija „Kapitalni transferi neprofitnim organizacijama“ – izvor 10.

Član 3.

(Uplata sredstava)

Odobrena sredstva iz člana 1. ove odluke isplatit će se na osnovu Programa utroška sredstava sa kapitalnog transfera neprofitnim organizacijama u 2026. godini, prema pregledu – Aneksu sačinjenom na osnovu poziva vjerskim zajednicama koje djeluju na području Zeničko-dobojskog kantona, a koji čini sastavni dio ove odluke.

Član 4.

(Ugovor o prenosu sredstava)

Ovlašćuje se ministar Ministarstva za obrazovanje, nauku, kulturu i sport da potpiše ugovore o prenosu sredstava sa ovlaštenim predstavnicima vjerskih zajednica, sa ciljem realizacije odobrenih sredstava iz člana 1. Odluke.

Član 5.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 6.
(Izvještavanje)

Korisnici sredstava su dužni Ministarstvu za obrazovanje, nauku, kulturu i sport, po okončanju projekta, odnosno utroška odobrenih sredstava, u roku od 15 dana, dostaviti izvještaj o namjenskom utrošku istih, a najkasnije u roku od godinu dana od dana doznačavanja sredstava iz člana 1. ove odluke.

Član 7.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-7145/26
Datum, 10.04.2026. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x „Službene novine Zeničko-dobojskog kantona“,
1x a/a.

Pregled raspodjele sredstava sa kapitalnog transfera neprofitnim organizacijama u 2026. godini

SUBJEKT	PROJEKAT	IZNOS SREDSTAVA (KM)
Medžlis Islamske zajednice Zenica	Izgradnja, rekonstrukcija i adaptacija vjerskih objekata u 29 džemata na području Medžlisa	300.000,00
Tarikatski centar u BiH	Izgradnja tekije u Peharama	100.000,00
Župa sv. Ilije proroka Zenica	Sanacija, rekonstrukcija i restauracija crkve sv. Ilije – Faza I- sanacija, rekonstrukcija zvonika	50.000,00
Župa sv. Leopolda Mandića Maglaj	Obnova i uređenje parkinga i dijelova crkve	20.000,00
Medžlis islamske zajednice Žepče	Musala Stare džamije u Željeznom Polju	20.000,00
Župa Srce Isusovo Čajdraš, Zenica	Završna obnova župne crkve	15.000,00
Župa sv. Ante Padovanskog Žepče	Sanacija i obnova zaštitne ograde dvorišta župne crkve	15.000,00
Župa sv. Ilije Novi Šeher	Sanacija fasade zavjetne kapele Goleše-Novi Šeher	10.000,00
Srpska pravoslavna crkvena opština Tešanj	Izgradnja pomoćnog vjerskog objekta	10.000,00
Župa sv. Ane Radunice Žepče	Postavljanje ograde oko platoa crkve	10.000,00
	Ukupno	550.000,00